



গাজার জন্য ওয়াশিংটন ও লন্ডনে হাজার হাজার মানুষের বিক্ষোভ সার-জমিন



রাজা রামমোহন রায়কে নিয়ে আলোচনা সভা রূপসী বাংলা



এই দেশ, এই ঐতিহ্য সম্পাদকীয়



আকড়ায় তবলিগি জামাতের তিন দিনের ইজতেমা সাধারণ



ভারতে স্পিন নির্ভর উইকেট নিয়ে অভিযোগ করবে না ইংল্যান্ড খেলতে খেলতে

# আপনজন

APONZONE Bengali Daily

ইনসার্ফের পক্ষে নির্ভীক কণ্ঠস্বর

সোমবার  
১৫ জানুয়ারি, ২০২৪  
২৯ শৌখ ১৪৩০  
২ রজব, ১৪৪৫ হিজরি  
সম্পাদক  
জাইদুল হক

## প্রথম নজর

### গুজরাতে রাস্তার ধারে ট্রাক থামিয়ে নামাজ পড়ায় চালক গ্রেফতার



আপনজন ডেস্ক: গুজরাতে রাস্তার ধারে ট্রাক থামিয়ে নামাজ পড়ায় চালক গ্রেফতার

প্রক্রিয়া চলছে বলে জানিয়েছেন ওই কর্মকর্তা। এর আগে গুজরাতে ভাদোদরার মহারাজা সায়াজিরাও বিশ্ববিদ্যালয়ে নামাজ পড়া নিয়ে বিতর্ক হয়েছিল। এর পরেই সুরাটের একটি পার্কে পাবলিক প্রেসে নামাজ পড়ার বিষয়টি নিয়ে আপত্তি ওঠে। এছাড়া, শুধু গুজরাতে নয়, বিজেপি শাসিত আরও রাজ্য উত্তরপ্রদেশে গত জুন মাসে একটি কোর্টিং ইন্সটিটিউট কাম মাদ্রাসার মধ্যে নামাজ পড়ায় প্রতিবেশী হিন্দুরা আপত্তি করায় গ্রেফতার করা হয়েছিল মাদ্রাসার কর্তার মাওলানা শওকাত আলি। এছাড়া, গত জুলাই মাসে মুজাফফরনগর শহরের একটি মসজিদের বাইরে রাস্তায় নামাজ পড়ার অভিযোগে ইমাম মাওলানা নাসিমকে গ্রেফতার করেছিল পুলিশ। রাস্তায় জুমার নামাজ আদায়ের একটি ভিডিও ভাইরাল হওয়ার পর আরও ২৫ জনের বিরুদ্ধে এফআইআর দায়ের করা হয়। অতিরিক্ত পুলিশ সুপার আশু বিশ্বাস সিং জানান, রেহমান মসজিদের ইমামকে ভারতীয় দণ্ডবিধির ৩৪১ ধারায় গ্রেফতার করা হয়।

### অশান্ত মণিপুর নিয়ে মোদিকে নিশানা রাখলের সম্প্রীতি, শান্তি ফিরিয়ে আনার অঙ্গীকারে 'ন্যায় যাত্রা'র শুরু

আপনজন ডেস্ক: জাতিগত সহিংসতায় ক্ষতিগ্রস্ত মণিপুরে শান্তি ও সম্প্রীতি ফিরিয়ে আনার অঙ্গীকার নিয়ে রবিবার মণিপুর থেকে ভারত জোড়া ন্যায় যাত্রা শুরু করলেন কংগ্রেস নেতা রাখল গাঙ্গি। গত বছরের মে মাসে উত্তর-পূর্বাঞ্চলীয় এই রাজ্যে শুরু হওয়া সহিংসতায় ১৮০ জনেরও বেশি মানুষ প্রাণ হারিয়েছে এবং হাজার হাজার মানুষ গৃহহীন হয়েছে। খাউগালের খোংজম ওয়ার মেমোরিয়ালে শ্রদ্ধা নিবেদনের মধ্য দিয়ে সফর শুরু করেন কংগ্রেস নেতা। এদিন মণিপুরের রাজধানী ইম্ফলের দক্ষিণে খোংবালে এক জনসভায় ভাষণ দিতে গিয়ে কংগ্রেস নেতা রাখল গাঙ্গি প্রধানমন্ত্রী মোদি, বিজেপি এবং কেন্দ্রীয় সরকারকে নিশানা করেন। তিনি বলেন, আজ পর্যন্ত ভারতের প্রধানমন্ত্রী মণিপুর সফরের সময় পাননি। হয়তো মণিপুর মোদিজি, বিজেপি এবং আরএসএসের জন্য ভারতের অংশ নয়! মণিপুরে কংগ্রেস নেতাদের ফ্লাইট বিলম্বিত হয়েছিল, যার জন্য রাখল গাঙ্গি মধে ক্ষমা চেয়েছিলেন। যাত্রার সূচনা উপলক্ষে জনগণের উদ্দেশ্যে রাখল গাঙ্গি বলেছিলেন, ২৯ শে জুন থেকে মণিপুরে শাসনের সম্পূর্ণ কাঠামো ধ্বংস হয়ে গেছে। রাজ্যজুড়ে ছড়িয়ে পড়েছে বিদ্রোহ। তিনি প্রধানমন্ত্রী মোদি ও কেন্দ্রীয় সরকারকে নিশানা করে বলেন, আজ পর্যন্ত ভারতের প্রধানমন্ত্রী মণিপুরে যাওয়ার সময় পাননি। রাখল গাঙ্গি বলেন, আমি ২৯শে জুন মণিপুরে এসেছি। এই সফরে যা দেখেছি, শুনেছি, তা আগে কখনো শুনি নি বা দেখিনি। আমি ২০০৪ সাল থেকে রাজনীতি



করছি। প্রথমবারের মতো আমি ভারতের একটি রাজ্যে গিয়েছিলাম আমরা তা ফিরিয়ে আনব, আমরা সেই সম্প্রীতি, শান্তি, ভালবাসা ফিরিয়ে আনব যার জন্য এই রাজ্যটি সর্বদা পরিচিত। রাখল গাঙ্গি বলেন, আমি চেয়েছিলাম আমরা পূর্ব থেকে পশ্চিমে ভ্রমণ করি, যেমন আমরা আগে হেঁটে যেতাম। যাত্রা শুরু করার জন্য লোকেরা বিভিন্ন পরামর্শ দিয়েছিল, কেউ পূর্ব থেকে এবং কেউ পশ্চিম থেকে বলছিল কিন্তু আমি বলেছিলাম, পরবর্তী ভারত জোড়া যাত্রা শুধুমাত্র মণিপুর থেকে শুরু হতে পারে। তিনি আরও বলেন, আমরা বিদ্রোহ আন্দোলনের কথাকে বলেছি। আমরা ভারত জোড়া যাত্রা প্রথম এই প্রচারণা শুরু করেছি। লোকেরা আমাদের বলেছিল যে আমাদের পূর্ব থেকে পশ্চিমে তীর্থযাত্রা করা উচিত, যেমনটি আমরা কন্যাকুমারী থেকে কাম্বীর পর্যন্ত করেছি। আমাদের সমগ্র কম থাকায় আমরা বাস ব্যবহার করে এটিকে একটি

হাইব্রিড তীর্থযাত্রা করার সিদ্ধান্ত নিয়েছি। মণিপুরের রাজধানী ইম্ফল থেকে শুরু হওয়ার কথা ছিল ন্যায় যাত্রা, কিন্তু রাজ্য সরকার কংগ্রেসের অনুমতি প্রত্যাখ্যান করার পরে এটি খোংবালে স্থানান্তরিত করা হয়েছিল। খোংবাল রাজধানী শহরের কিছুটা দক্ষিণে অবস্থিত। সেখানে কংগ্রেস সভাপতি মল্লিকার্জুন ভারত জোড়া ন্যায় যাত্রার পতাকা নেড়ে সূচনা করেন। এদিন সলমান খুরশিদ, রাজীব শঙ্কর, আনন্দ শর্মা, রণদীপ সিং সুরজেকওয়াল, অশোক গেলহট, অভিষেক মনু সিং, ভূপিন্দর সিং ছড়া, শচীন পাইলট, দাগোজয় সিং, প্রমোদ তিওয়ারি সহ প্রায় ৭০ জন নেতা দিল্লি থেকে ফ্লাইটে এসেছিলেন। রাখলের সঙ্গে তারা ইম্ফল গিয়েছিলেন। ন্যায় যাত্রাটি ৬,১৩ কিলোমিটার পথ অতিক্রম করে ১০০ টি লোকসভা কেন্দ্র এবং ৩৩৭ টি বিধানসভা কেন্দ্র অতিক্রম করবে। ৬৭ দিন পর ২০ মার্চ মুম্বাইয়ে শেষ হবে ন্যায় যাত্রা।

### সুপ্রিম কোর্টে পিছল শুনানি, ফের আটকে প্রাথমিকে নিয়োগ




আপনজন ডেস্ক: প্রাথমিক স্কুল শিক্ষক নিয়োগে জট খুলল না। সুপ্রিম কোর্টের বিচারপতি হিমা কোহলি ও বিচারপতি রাজেশ্ব বিন্দলের বেঞ্চ রাজ্যে প্রাথমিক নিয়োগে মামলার শুনানি পিছিয়ে ২২ জানুয়ারি করে দিল। ফলে, প্রাথমিক যে ১১ হাজার শিক্ষকের নিয়োগ প্রক্রিয়া শুরু করার উদ্যোগ নিয়েছিল প্রাথমিক শিক্ষা পর্ষদ, তা বুলেই রইল। উল্লেখ্য, গত বছর প্রায় সাড়ে এগারো হাজার প্রাথমিক শিক্ষক নিয়োগের বিজ্ঞপ্তি জারি করে প্রাথমিক শিক্ষা পর্ষদ। গত সেপ্টেম্বরে তারা বিজ্ঞপ্তি দিয়ে জানায়, টেট উত্তীর্ণ ২০২০-২০২২ শিক্ষাবর্ষে প্রাথমিক শিক্ষক নিয়োগ প্রক্রিয়ায় অংশ নিতে পারবেন। পর্ষদের ওই সিদ্ধান্তের বিরুদ্ধে হাই কোর্টে মামলা দায়ের হয়। তখন বিচারপতি অভিজিৎ গঙ্গোপাধ্যায় পর্ষদের সিদ্ধান্তে সিলমোহর দেন। পরে হাই কোর্টের তৎকালীন বিচারপতি সুজাত তালুকদার এবং বিচারপতি সুপ্রতিম ভট্টাচার্যের ডিভিশন বেঞ্চ পর্ষদের ওই বিজ্ঞপ্তি খারিজ করে দেয়। দুই বিচারপতির বেঞ্চ জানায়, প্রশিক্ষণরত প্রার্থীরা নিয়োগ প্রক্রিয়ায় অংশ নিতে পারবেন না। শিক্ষক হতে গেলে প্রশিক্ষণ পর্ব সম্পূর্ণ করতে হবে।

পরে অবশ্য দ্বিতীয় বিজ্ঞপ্তি জারি করে পর্ষদ ডিএলএড প্রশিক্ষণ শেষ করা প্রার্থীদের সুযোগ দেওয়ার কথা জানায়। সবচেয়ে বড় বিতর্ক তৈরি হয় ডিএলএড প্রশিক্ষণ শেষ করা প্রার্থীদের পাশাপাশি প্রশিক্ষণরত ডিএলএডরা এই নিয়োগ প্রক্রিয়ায় অংশগ্রহণ করতে পারবেন কিনা সেই নিয়ে। তার বিরুদ্ধে ডিএলএড প্রশিক্ষণরতরা ফের মামলায় শরিক হন। সৌমেন পাল-সহ মূল মামলাকারীদের আইনজীবী সুদীপ্ত দাশগুপ্ত এবং দিব্যান্দু প্রশিক্ষণরতদের ফের মামলায় শরিক হন। সৌমেন পাল-সহ মূল মামলাকারীদের আইনজীবী সুদীপ্ত দাশগুপ্ত এবং দিব্যান্দু প্রশিক্ষণরতদের সুযোগ দেওয়া উচিত। ওই মামলায় গত বছর ২৮ জুলাই সুপ্রিম কোর্টের বিচারপতি হিমা কোহলি এবং বিচারপতি রাজেশ্ব বিন্দলের বেঞ্চ জানায়, আদালতের নির্দেশ ছাড়া ওই নিয়োগ প্রক্রিয়ার মেঘাতালিকা প্রকাশ করতে পারবে না পর্ষদ। তার পর থেকে মামলাটির শুনানি বহু বার পিছিয়ে গিয়েছে। এবার আরও একবার পিছিয়ে গেল শুনানি। সুপ্রিম কোর্ট সূত্রে খবর, ২২ জানুয়ারি মামলাটির পরবর্তী শুনানি হবে।

### ভারতকে ১৫ মার্চের মধ্যে সব সেনা সরাতে বলল মালদ্বীপ

আপনজন ডেস্ক: মালদ্বীপের প্রেসিডেন্ট মোহাম্মদ মুইজু ভারতকে ১৫ মার্চের মধ্যে তার দেশ থেকে তাদের সেনা প্রত্যাহারের নির্দেশ দিয়েছেন। শনিবার চীন সফর শেষে দেশে ফেরার পরপরই এ নির্দেশ দিলেন তিনি। সরকারের সর্বশেষ পরিসংখ্যান অনুযায়ী, মালদ্বীপে ৮৮ জন ভারতীয় সেনা রয়েছেন। এক প্রেস ব্রিফিংয়ে রাষ্ট্রপতির কার্যালয়ের পাবলিক পলিসি সেক্রেটারি আবদুল্লাহ নাজিম ইব্রাহিম বলেন, প্রেসিডেন্ট মুইজু আনুষ্ঠানিকভাবে ভারতকে ১৫ মার্চের মধ্যে তাদের সেনা প্রত্যাহার করার নির্দেশ দেওয়া হয়েছে। তাই এরপর ভারতীয় সেনারা মালদ্বীপে থাকতে পারবে না। এটা প্রেসিডেন্ট ড. মোহাম্মদ মুইজু এবং এই প্রশাসনের নীতি। মালদ্বীপ ও ভারত সৈন্য প্রত্যাহারের বিষয়ে আলোচনার জন্য একটি উচ্চ পর্যায়ের কোর গ্রুপ গঠন করেছে। রবিবার সকালে ঢাকায় পররাষ্ট্র মন্ত্রণালয়ের সদর দপ্তরে এই গ্রুপের প্রথম বৈঠক অনুষ্ঠিত হয়। বৈঠকে ভারতীয় হাইকমিশনার মুমু মহাওয়ারও উপস্থিত ছিলেন। নাজিম বৈঠকের বিষয়টি নিশ্চিত করে বলেন, বৈঠকের এজেন্ডা ছিল ১৫ মার্চের মধ্যে সৈন্য প্রত্যাহারের অনুরোধ। ভারত সরকার তাৎক্ষণিকভাবে গণমাধ্যমের প্রতিবেদনের সত্যতা নিশ্চিত করেনি বা এ বিষয়ে কোনো মন্তব্য করেনি। গত বছরের ১৭ নভেম্বর মালদ্বীপের প্রেসিডেন্ট হিসেবে শপথ গ্রহণ করেন চিনপাক্ষী



নেতা হিসেবে বিবেচিত মুইজু। তিনি ভারতকে তার দেশ থেকে সেনা প্রত্যাহারের অনুরোধ জানিয়ে বলেন, মালদ্বীপের জনগণ তাকে এই অনুরোধ করার জন্য 'জোরালো ম্যান্ডেট' দিয়েছে। প্রধানমন্ত্রী নরেশ মোদির বিরুদ্ধে মুইজু সরকারের তিন উপমন্ত্রীর আপত্তিকর মন্তব্যের প্রেক্ষাপটে দুই দেশের মধ্যে বিরোধের মধ্যে ভারতীয় সেনা প্রত্যাহারের অনুরোধ। চীন থেকে ফেরার পর শনিবার সংবাদমাধ্যমের সঙ্গে আলাপকালে প্রেসিডেন্ট মুইজু পরোক্ষভাবে ভারতকে আক্রমণ করেন। কোনও দেশের নাম উল্লেখ না করে তিনি বলেন, "আমরা ছোট হতে পারি, কিন্তু এটা আপনাকে আমাদের ধর্মক দেওয়ার লাইসেন্স দেয় না। তিনি অন্যান্য দেশ থেকে প্রয়োজনীয় খাদ্য পণ্য এবং ওষুধ এবং ভোগ্যপণ্য আমদানি নিশ্চিত করা সহ ভারতের উপর দেশের নির্ভরতা হ্রাস করার পরিকল্পনাও ঘোষণা করেন। তিনি বলেন, আমরা কারো বাড়ির উঠোনে নেই। আমরা একটি স্বাধীন ও সার্বভৌম রাষ্ট্র।

### আপনাদের সাদর আমন্ত্রণ



স্টল নং ৪৬৬ (৭ নং ও ৮ নং গেট-এর সন্নিকটে)

১৮-৩১ জানুয়ারি, ২০২৪ (সেন্ট্রাল পার্ক মেলা প্রাঙ্গণ, সল্টলেক)

দৈনিক বাংলা সংবাদপত্র আপনজন ইনসার্ফের পক্ষে নির্ভীক কণ্ঠস্বর www.aponzonepatrika.com

আপনজন পাবলিকেশন ৬ কিড স্ট্রিট, কলকাতা-৭০০০২৬ ফোন: ৯৬৭৪১৩৩৫৮০

আল-কুরআন এখন আরও সহজ হলো • এই প্রথম পড়া এবং শোনা একসাথে

### আল-কুরআন

অনুবাদক: বিশিষ্ট ইসলামি চিন্তাবিদ ঐতিহাসিক গোলাম আহমাদ মোর্তজা(রহ:) বিশ্ববঙ্গীয় প্রকাশিত কুরআনটির বিশেষ বৈশিষ্ট্য সমূহ

- বাংলা অনুবাদে এত সহজ শব্দের ব্যবহার এই প্রথম।
- সহজ গদ্যে শুদ্ধ বঙ্গানুবাদ।
- সঠিক বাংলা উচ্চারণ
- বিশ্ববিখ্যাত দু'জন ক্বারির কণ্ঠে সমগ্র কুরআন শোনার ব্যবস্থা।
- পারার শেষে নৈতিক শিক্ষামূলক আরাবি ক্যালিগ্রাফিসহ বঙ্গানুবাদ।
- প্রতিটি সুরার বৈশিষ্ট্য, শানে নুয়ুল, টীকাসহ প্রয়োজনীয় ব্যাখ্যা।



গোলাম আহমাদ মোর্তজার গ্রন্থাবলী:

- চোপে রাখা ইতিহাস ৪৫০
- সিরাজুদ্দৌলার সত্য ইতিহাস ও রবীন্দ্রনাথ ৩০০
- বিভিন্ন চোখে স্বামী বিবেকানন্দ ৩০০
- এ এক অন্য ইতিহাস ২৫০
- বক্তব্য ২৫০
- বাজেয়াপ্ত ইতিহাস ৯০
- ধর্মের সহিষ্ণু ইতিহাস ১২০
- ইতিহাসের এক বিশ্ময়কর অধ্যায় ১১০
- পুস্তক সম্রাট ৯০
- অন্য জীবন ১৫০
- মুসাফির ১১০
- সৃষ্টির বিস্ময় ৭০
- জাল হাদীস ও বিশ্বসমাজ ৮০
- ৪৮০টি হাদীস ও বিশ্বসমাজ ৮০
- এ সত্য গোপন ৩০
- সেরা উপহার ৩০
- রক্তমাখা ছন্দ ৩০
- রক্তমাখা ডায়েরী ৩০

বিশ্ববঙ্গীয় প্রকাশন বর্ণপরিচয়, বি-৯ কলেজ স্ট্রিট মার্কেট, কলকাতা-৭০০ ০০৭ ফোন-০৩৩-২২৫৭ ০০৪২ ৯৮৩০০১২৯৪৭









